


(21) 

**UGOVOR o pružanju
usluge održavanja klima instalacija Zavoda**

Zaključen u Sarajevu između:

Zavoda zdravstvenog osiguranja Kantona Sarajevo, ul. Ložionička broj 2 (u daljem tekstu Ugovorni organ), kojeg zastupa direktor Mr.sci.oec.prim.spec.dr. Samir Turković

i
ICE-NET d.o.o. Sarajevo, ul. Dobrinjske bolnice br.16 (u daljem tekstu Dobavljač), kojeg zastupa direktor Dino Hajrić.

PREDMET UGOVORA

Član 1.

Predmet ugovora je regulisanje prava i obaveza između Ugovornog organa i Dobavljača kao izabranog ponuđača u postupku nabavke – usluge održavanja klima instalacija Zavoda, putem konkurentskog zahtjeva, pokrenut na osnovu Odluke o pokretanju postupka broj: 03-08-A.B.R.-19296-OPP/18 od 4.06. 2018. godine, Zahtjevom za pokretanje postupka javne nabavke 03-02-19296/18 od 29.05.2018. godine, Odlukom o izboru ponude broj 03-08-A.B.R.-19296- OI 1/18 od 12.07.2018. godine i ponudom Ponuđača broj 131-132/18 od 02.07.2018. godine.

Član 2.

Predmet nabavke su usluge „Nabavka klima uređaja i usluge održavanja klima instalacija Zavoda“ (55 komada) za potrebe Zavoda zdravstvenog osiguranja Kantona Sarajevo i odnose se na redovni sezonski šestomesečni servis klima uređaja što uključuje minimalno sljedeće:

- Dolazak na adresu,
- Čišćenje i dezinfekcija unutrašnjih jedinica,
- Čišćenje i dezinfekcija filtera zraka,
- Čišćenje odvoda kondenzatora,
- Kontrola rada ventilatora,
- Kontrola zaptivenosti freonske instalacije,
- Dopuna freona u sistemu,
- Kontrola elektro spojeva,
- Kontrola rada svih elektro spojeva na klima uređaju,
- Čišćenje isparivača unutrašnje jedinice sa sredstvom za čišćenje isparivača klima uređaja na bazi prijatnog mirisa koje uklanja bakterije i viruse,
- Zamjena baterija u daljinskim upravljačima – po potrebi.

Mjesto pružanja usluga su poslovni objekti Zavoda zdravstvenog osiguranja Kantona Sarajevo i to:

Rbr.	Naziv	Količina / kom
1.	Poslovna zgrada - Direkcija ul. Ložionička br.2, tel: 033/725-200;	40
2.	Poslovna zgrada - Poslovnica Vogošća. ul. Jošanička br.83, tel: 033/430-107;	2
3.	Poslovna zgrada - Poslovnica Ilidža. ul. Emira Bogunića Čarlija br.17, tel: 033/621-580;	2
4.	Poslovna zgrada - Poslovnica Centar-Stari Grad, ul.Hamdije Kreševljakovića br.14, tel:033/220-856;	1
5.	Poslovna zgrada - Poslovnica Novo Sarajevo - Novi Grad, ul. Zmaja od Bosne bb, tel : 033/725-275;	6
6.	Poslovna zgrada - Poslovnica Hadžići. ul. Slobodana Principa Selje br.37, tel: 033/420-107;	2
7.	Poslovna zgrada- Poslovnica Ilijaš. ul. Brdske brigade br.51, tel: 033/400-021	2

PC
DB
PE
J.

OBAVEZE UGOVORNIH STRANA

Član 3.

Dobavljač se obavezuje Ugovornom organu pružati usluge koje su predmet ovog ugovora, koje su u skladu sa zahtjevima preciziranim u ovom ugovoru, na način i u rokovima regulisanim ovim ugovorom i ponudom dobavljača.

U periodu trajanja ugovora ugovorene usluge će biti pružene od strane stručnog lica, bilo angažovanog ili stalno uposlenog kod Dobavljača.

Član 4.

Dobavljač se obavezuje da će prije bilo kakvih dodatnih radova, koji ne potpadaju pod redovni sezonski šestomjesečni servis klima uređaja i koji nisu predmet ovog ugovora obavijestiti Ugovorni organ o eventualnim potrebnim rezervnim dijelovima i neophodnom potrošnom materijalu i dostaviti ponudu za isti.

Ukoliko Ugovorni organ prihvati ponudu Dobavljača, Dobavljač će tek nakon prihvatanja ponude od strane Ugovornog organa, izvršiti zamjenu rezervnih dijelova i potrošnog materijala.

Dobavljač će uslugu zamjene vršiti bez naknade.

Dobavljač je obavezan obezbijediti garanciju na zamjenjene rezervne dijelove i izvršene usluge u trajanju od minimalno 1 godine.

Cijene za ponuđena roba Dobavljača, moraju biti definisane u zvaničnom cjenovniku Dobavljača ili njegovog podugovarača.

Član 5.

Ugovorni organ se obavezuje da prihvati pružene usluge ukoliko iste odgovaraju ugovorenim, te da plati ugovorenu cijenu na način i u rokovima određenim konkurentskim zahtjevom broj: 03-08-A.B.R.-19296-KZ/18, ponudom dobavljača i ovim ugovorom.

Član 6.

Ugovorni organ se obavezuje da će obezbijediti sve potrebne informacije Dobavljaču, te omogućiti nesmetan pristup mjestu izvršenja ugovora.

Dobavljač je upoznat i prihvata da svi podaci i informacije (u bilo kojoj formi: pisanoj, usmenoj, elektronskoj i sl.) koje mu dostavi Ugovorni organ, kao i saznanja koja stekne Dobavljač (ili njegovi uposlenici) o Ugovornom organu, njegovim zaposlenicima i njegovom poslovanju, predstavljaju strogo povjerljive podatke (poslovnu tajnu), te da iste ne smije ni pod kojim okolnostima stavljati na raspolaganje trećim licima, bez prethodne pismene saglasnosti Ugovornog organa. Rok tajnosti podataka je trajan.

Član 7.

Cijena nabavke usluga koje su predmet ovog ugovora ukupno iznosi **9.900,00 KM** bez PDV-a, odnosno **11.583,00 KM** sa PDV-om za period od dvije godine.

Dobavljač se obavezuje da će se usluge iz člana 2. ovog Ugovora pružati na osnovu redovnog sezonskog šestomjesečnog servisa klima uređaja prema tabelarnom pregledu

1
12.12.2019

Naziv predmeta	Opis	Jedinica mjere	Količina	Jedinična cijena bez PDV-a	Jedinična cijena sa PDV-om	Ukupna cijena bez PDV-a	Ukupna cijena sa PDV-om
Usluge održavanja instalacija – redovno održavanje klima uređaja	<ul style="list-style-type: none"> • Dolazak na adresu, • Čišćenje i dezinfekcija unutrašnjih jedinica, • Čišćenje i dezinfekcija filtera zraka, • Čišćenje odvoda kondenzatora, • Kontrola rada ventilatora, • Kontrola zaptivenosti freonske instalacije, • Dopuna freona u sistemu, • Kontrola elektro spojeva, • Kontrola rada svih elektro spojeva na klima uređaju, • Čišćenje isparivača unutrašnje jedinice sa sredstvom za čišćenje isparivača klima uređaja na bazi prijatnog mirisa koje uklanja bakterije i viruse, • Zamjena baterija u daljinskim upravljačima – po potrebi. 	Redovni sezonski šestomjesečni servis klima uređaja	55 klima uređaja	50,00	58,50	2.750,00	3.217,50
Ukupna cijena za šestomjesečni servis bez PDV-a						2.750,00	
Ukupna cijena za šestomjesečni servis sa PDV-om						3.217,50	
Popust 10%						275,00	
Ukupna cijena za 24 mjeseca sa uračunatim popustom bez PDV-a						9.900,00	
Ukupna cijena za 24 mjeseca sa uračunatim popustom sa PDV-om						11.583,00	
Ukupna cijena za Ugovor slovima: (jedanaesthiljadapetstotinaosamdesetri)							

U cijene iz prethodnih stavova uračunat je PDV i svi drugi zavisni troškovi.

Član 8.

Cijenu iz Člana 7. ovog ugovora Ugovorni organ će isplatiti najkasnije u roku do 60 dana, računajući od dana dostavljanja fakture za pružene usluge ili isporučene robe.

ROK I MJESTO PRUŽANJA USLUGA

Član 9.

Usluge koje su predmet ugovora će se pružati u periodu od 2 (dvije) godine, računajući od dana stupanja na snagu ovog ugovora a na osnovu dostavljene narudžbenice od strane Ugovornog organa u roku od 15 dana od dana zaprimanja iste.

Član 10.

Mjesto pružanja usluga su poslovne prostorije Ugovornog organa u Sarajevu i prostorije koje odredi Ugovorni organ.

GARANCIJA

Član 11.

Dobavljač garantuje kvalitet pruženih usluga, a prema zahtjevima preciziranim u tenderskoj dokumentaciji.

NAKNADA ŠTETE

Član 12.

Ugovorna strana koja neurednim ispunjenjem ili neispunjenjem ugovorne obaveze prouzrokuje štetu drugoj ugovornoj strani, dužna je da štetu naknadi prema važećim propisima i pravnim pravilima.

PRESTANAK UGOVORA

Član 13.

Ugovor prestaje njegovim izvršenjem, odnosno obostranim ispunjenjem ugovornih obaveza ugovornih strana.

Član 14.

Ugovor može prestati i prije njegovog izvršenja, u slučaju raskida.

Ugovor se može raskinuti:

- ako Dobavljač ne izvršava ugovorne obaveze,
- ukoliko se utvrdi da Dobavljač krši zakonske propise u domenu porezne politike, što uključuje direktne i indirektne poreze i ostale javne prihode, a posebno ako za radnike ne vrši izmirivanje obaveza po osnovu doprinosa za zdravstveno osiguranje, u rokovima i na način utvrđen zakonskim propisima,
- ako Ugovorni organ ne bude mogao da izvršava svoje obaveze iz ugovora,
- ako je zaostajanje u izvršenju usluge ili isporuci robe koje su predmet ugovora takvo da može dovesti u pitanje izvršenje ugovora.

Zbog neurednog pružanja usluga ili isporuke robe, Ugovorni organ može raskinuti ugovor samo ako je do neurednog izvršenja ugovornih obaveza došlo krivicom Dobavljača i ako je prethodno ostavio Dobavljaču naknadni primjereni rok za izvršenje ugovornih obaveza sa kojima je Dobavljač u zakašnjenju, pa ih ne izvrši ni u tom navedenom roku. Naknadni rok se ne ostavlja jedino kad Dobavljač izjavi da neće ili da ne može da izvrši ugovorne obaveze.

Član 15.

Ugovor se ne može raskinuti zbog neizvršenja neznatnog dijela ugovorne obaveze.

Član 16.

Ugovor se raskida pismenom izjavom koja se dostavlja drugoj strani. U izjavi mora biti naznačeno po kom osnovu se ugovor raskida.

Član 17.

Ugovorni organ će raskinuti ugovor sa dobavljačem ukoliko se ustanovi da pružene usluge ne odgovaraju zahtjevima Ugovornog organa u tenderskoj dokumentaciji i prihvaćenoj ponudi Dobavljača a koje treba da zadovoljavaju tražene kriterije koje su predmet ovog ugovora.

OSTALE ODREDBE

Član 18.

Svi sporovi koji eventualno nastanu iz ovog Ugovora rješavat će se međusobnim sporazumom ugovornih strana. Ako se spor ne riješi na taj način, ugovorna strana može se za rješenje spora obratiti stvarno nadležnom sudu u Sarajevu.

Član 19.

Za sve ono što nije regulisano ovim Ugovorom primjenjuju se važeći propisi i poslovni običaji u oblasti predmetnih nabavki i Zakona o obligacionim odnosima.

Član 20.

Ponuđač kojem je dodijeljen Ugovor nema pravo zapošljavati, u svrhu izvršenja Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju Ugovora, odnosno od početka realizacije Ugovora.

ZAVRŠNE ODREDBE

Član 21.

Sastavni dio ovog ugovora su:

- Odluka o pokretanju postupka : 03-08-A.B.R.-19296-OPP/18
- Odluka o izboru ponude: 03-08-A.B.R.-19296-OI2/18
- Prihvaćena ponuda Dobavljača broj 131-132/18

Član 22.

Ukoliko ugovorne strane ne potpišu ugovor na istovjetan datum, danom stupanja na snagu ugovora ima se smatrati kasniji datum potpisa.

Član 23.

Ovaj ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

DOBAVLJAČ
ICE-NET d.o.o.
Sarajevo



Dino Hajrić

Broj: 24-07/001/2018
Datum: 24.07.2018. godine.

UGOVORNI ORGAN

Zavod zdravstvenog osiguranja
Kanton Sarajevo



Mr. spec. dr. Samir Turković
Broj: 03-08-A.B.R.-19296-UG2/18
Datum: 23.07.2018. godine.